



Skjold beitelag v/ Jan M Aardal

Saksbehandlar, innvalstelefon

Øistein Aasland, 5557 2322

Løyve til fasadeendring - bytte to vindauge i gjetarhytta til Skjold beitelag på Holmevassreet i Ullensvang kommune - Hardangervidda nasjonalpark

Statsforvaltaren i Vestland gjev Skjold beitelag v/ Jan M Aardal løyve til å endre to vindauge i gjetarhytta dei har på Holmevassreet på gnr. 20, bnr. 2 i Ullensvang kommune. Løyve er gitt med heimel i verneforskrifta for Hardangervidda nasjonalpark.

Det er sett vilkår til løyvet.

Vi viser til søknad frå Skjold beitelag sendt med e-post den 21. april 2022.

Bakgrunn for saka

Skjold beitelag har ei av sine gjetarhytter på Holmavassreet. Dei ser at eksisterande vindauge på loftet er for små, og dermed ikkje er egna som rømingsveg. Søknaden gjelder difor dei to vindauge i kvart sitt møne. På vestveggen søker dei om å få satt inn eit vindauge med storleiken på 59x89 cm, og på austveggen eit vindauge på 59x79. Dette for å kunne nytte desse som naudgang om det vert aktuelt.

Statsforvaltaren si vurdering

Vi er samde i at gode rømingsvegar er viktige i ei slik gjetarhytte som Skjold beitelag har. Vi ser heller ingen store negative verknader på verneverdiane om dei to vindauge vert bytta ut med nye vindauge som er noko større.

Saka har ikkje vore sendt på høyring til nokon av dei vanlege høyringspartane, da Statsforvaltaren reknar saka som lita og kurant. Vi meiner at tryggleiksaspektet i saka er viktig.

Vi har vurdert saka etter naturmangfaldlova §§ 8-12.

§ 8 kunnskapsgrunnlag: Statsforvaltaren meiner vi har eit godt kunnskapsgrunnlag i saka ut i frå søknaden. Vi har vore på staden ved andre høve, så vi har danna oss eit bilet av hytta. Det å bytte til to litt større vindauge vil etter vår mening ikkje få nokon innverknad på verneverdiane.



§ 9 føre-var-prinsippet: Slik vi ser det vil det ikkje være fare for at den omsøkte fasadeendringa vil ha ukjende, negative konsekvensar for verneverdiane.

§ 10 økosystemtilnærming og samla belastning: Vi kan ikkje sjå at det omsøkte tiltaket vil auke den samla belastninga for området i nokon grad.

§ 11 kostnadene ved miljøforringing skal berast av tiltakshavar: Vi ser ikkje at det er relevant å vurdere dette, då det ikkje er fare for miljøforringing ved gjennomføring av tiltaket.

§ 12 miljøforsvarlege teknikkar og driftsmetode: Dei gamle vindauge må takast ut av området og byggjeavfall må handterast på ein forsvarleg måte. Utover dette har vi ingen merknader til dette punktet.

Motorferdsle i samband med transport av byggemateriale må avklarast med Tilsynsutvalet i Vestland – for Hardangervidda nasjonalpark.

Vedtak

Statsforvaltaren i Vestland gjev Skjold beitelag v/ Jan M Aardal løyve til å endre to vindauge i gjetarhytta dei har på Holmevassreet på gnr. 20, bnr. 2 i Ullensvang kommune. Vedtaket er heimla i § 4, punkt 4.1.3.a i verneforskrifta for Hardangervidda nasjonalpark.

Det vert sett fylgjande vilkår til løyve:

- Endringane med innsetting av to nye vindauge i kvart sitt møne på gjetarhytta til Skjold beitelag skal gjerast slik det er skildra i søknad og teikningane som ligg ved denne.
- Dei to eksisterande vindauge kan bytast med to nye vindauge med storleik 59 x 89 cm og 59 x 79 cm.
- Veggane skal ha same kledning som er på resten av hytta, når dei nye vindauge er sett inn.
- Avfall frå rivingsarbeid må leverast til godkjent mottak. Reint trevirke kan kappast opp og brukast som ved.
- Fasadeendringa/bygggearbeid skal vere avslutta og plassen rydda innan 1. oktober 2023.

Med helsing

Stein Byrkjeland
fagdirektør

Øistein Aasland
seniorrådgjevar

Dokumentet er elektronisk godkjent

Kopi til:

Ullensvang kommune
Helleik Rabbe
Tilsynsutvalet i Vestland - for Hardangervidda nasjonalpark
Villreinnemnda for Hardangerviddaområdet
Vestland fylkeskommune
SNO Hardangervidda